



Borgarráð
Ráðhús Reykjavíkur

101 REYKJAVÍK

Umsögn SFS vegna tillögu borgarráðsfulltrúa Sjálfstæðisflokkssins um að opnunartími leikskóla verði aftur óskertur - R21020054

Á fundi borgarráðs 4. febrúar 2021 var lögð fram eftirfarandi tillaga frá borgarráðsfulltrúum Sjálfstæðisflokkssins:

Borgarráð samþykkir að ráðast tafarlaust í skipulag óskerts opnunartíma leikskóla Reykjavíkur, enda rann samþykkt skóla- og frístundaráðs um skertan opnunartíma af sóttvarnarástæðum út þann 31. desember 2020, eða fyrir liðlega fimm vikum. Ekki verður séð að þær aðstæður séu uppi í íslensku samfélagi sem kalli á skerta leikskólabjónustu vegna COVID-19. Jafnréttismat hefur staðfest að skerðingar koma verst niður á vinnandi mæðrum, lágtækjuhópum, fólkum af erlendum uppruna og þeim sem hafa lítinn sveigjanleika í starfi. Tryggja þarf óskerta bjónustu tafarlaust svo fjölskyldur í Reykjavík fái nauðsynlegan sveigjanleika.

Við upphaf Covid-19 faraldurs á síðasta ári lagði fagskrifstofa leikskólamála fram tillögu fyrir skóla og frístundaráð að skerða opnunartíma leikskóla til að tryggja starfsfólk ráðrúm til sótthreinsunar og þrifa í leikskólum borgarinnar. Það kom hins vegar í ljós að það er á forræði neyðarstjórnar borgarinnar að taka ákvörðun um slíkar sóttavarnir.

Á fundi neyðarstjórnar Reykjavíkur, mánudaginn 25. janúar óskaði sviðsstjóri skóla- og frístundasviðs eftir heimild neyðarstjórnar Reykjavíkurborgar til þess að halda óbreyttum opnunartíma í leikskóla í janúar og til loka febrúar, þ.e. út gildistíma reglugerðar um takmarkanir í skólastarfi á tíma heimsfaraldurs Covid-19 með þeim rökum að enn værum við á neyðarstigi vegna faraldursins. Einnig eru ennþá í gildi strangar reglur þar sem ráðstafanir skulu gerðar til þrifa og sótthreinsunar leikskólahúsnæðis eftir hvern dag. Neyðarstjórn samþykkti beiðnina.

Virðingarfyllst

Helgi Grímsson
sviðsstjóri skóla- frístundasviðs